



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Capvt XIX. Aliæ nonnullæ considerationes eandem ad rem pertinentes.

[urn:nbn:de:hbz:466:1-47123](#)

Vides excelsam Virginis mentem; & quibus illa se cogitationibus, in ipsa actuum suorum lanienâ, ac cruxis undique scaturientis aspectu sustentaret, dēq; ipsa tormentorum atrocitate solatium animūmq; sumeret. Aspiciebat nimirum cruciatus suos, velut pretiosa Domini Iesu signata; gaudebatq; in membris suis, tanquam in delicata membra, ferreis illis stylis, acutisq; peccinibus exarari notas, & characteres imprimi, qui Christi triumphum loquerentur, & crucis trophya signarent, pérq; hiantia laterum suorum costarūmq; vulnera, tot quasi ora aperiri, ipso sanguinis vocali profluvio, Iesu nomen ac gloriam aperiuntim prædicantia.

CAPUT XIX.

Alia nonnulla considerationes eandem ad rem pertinentes.

§. I.

Iustorum in vita afflictiones, meras Christi amantiblanditias esse.

Arumnas & molestias hujus vitæ, quæ D̄eo vel immunitate vel permittente justis eveniunt, esse dona amantissimæ dextræ, & specialia divinæ benevolentiae signa, jam in superioribus, nec semel fortasse, prædiximus. Ut pono homini afflito, & sub ærumnæ suæ pondere gementi mentio liceat evangelicum istud occinere: *Si scires donum D̄eī.* Si intelligeres, quorum bonorum compendium, quantifvoris pignus, quantæ gloriae semen sit, hæc tua, quæcumq; est, tribulatio; si quibus oportet, illam oculis aspiceres: nimirum non illam, ut nunc adeò facis, defugeres, sed optares potius, & obvijs ulnis amplecteris obvenientem, inq; ejus sinu atque complexu acquiesceres.

Verum

Verum illud lubet superaddere in praesentia, eas ipsas ærumnas non qualiacunque divini favoris argumenta esse, sed quasdam veluti blanditias ac lusus incarnatae Sapientiae nobiscum ludentis, ac de patientiae nostra spectaculo, sibi oblectationem, nobis utilitatem querentis.

Amoenum est, quod hoc in genere cuidam Virgini è S. Dominici familia divinitus aliquando objectum est. Re-*Vit. Suson.* ferebat hæc, se in mentis excessu visam esse sibi videre rose-^{c. 36.} tum quoddam magnitudine præstans, & pulchritudine eximium, cui insisteret puerulus Jesus, cum certo è rubicundis confessis rosis. Subrus autem ad roseti radices, visum-
sibi considerare Henricum Susonem, virum sanctum ex eodem Ordine, de quo superius alia nonnulla memoravimus. Porro puer Jesus, tenera manu rosarum flores videbatur hinc & inde decerpere, iisq; Henricum inferne jacentem ludibundus appetere, dum blandis his telis totum denique cumulatè operaret, & tantum non obrueret. Ad extremum, querenti Virgini, quid istud vidi portenderet, respondit divinus puerulus: missilibus his rosis, tantâ copiâ in dilectum sibi ministrum conjectis, multiplices cruces & afflictiones adumbrati, quibus illum (Deo sic permittente) tentari & exerceri oporteret, & qua ille, tanquam ab divina & amica manu profectas, non modo æquo animo, sed etiam libenti atque hilari, acceptatus esset.

Vides, quam diversè à Dei sensu de his rebus judicium ferimus; & (quod hinc consequi necesse est) ut præpostere atque perversè de illis loquimur, easq; non suis nominibus appellamus? Tangit te fortassis amica & amabilis Dei manus, & aliquam (ut quidem appellas) ærumnam ac calamitatem tibi immittit. Sed adhuc ignoras ingenium ac mores amantis Dei. Tu illum profecto persecutere credis atque sevire: sed quæ tibi verbena atque afflictiones videntur, haec quidem merae sunt blanditiae; & dum te seriò vexari putas,

B b b 2

nihil

nihil nisi JESUS tecum ludit & delicias facit. Tandem
quas nos cruces & spinas appellamus, molles rosae sunt;
e diverso autem quas rosas existimamus, opes scilicet, vo-
Luc. 8. 6. 14. luptates ac vitae commoda, spinarum nomine, coelesti no-
menclaturā censemur.

Sider. infan- Et verò (ut quidam ex Nazianzeno referunt) crucis &
cic. myr. incommoda hujus vitae, flores sunt bonorum quæ expecta-
mus, & propter fructum, florem quoque decerpimus.

Spec. spirit. Nec ineleganter aut abs re nostra Ludovicus Bloius:
c. 8. *Tribulationes in hac vita, præclarissima DEI dona sunt;* & non
est ullum certius signum divinae electionis, quād ut qui adversi
humiliter ac resignato animo propter DEUM toleret. Fru-
re, astu, infirmitate, & quibuslibet alijs gravaminibus extrin-
DEUS purgat, sanctificat, mirificat, exornat animas electorum
fuerum. Et quos videt minus aptos esse, ut torques aureas (id
est, graviores afflictiones) ferant, ornat eos saltem seriu-
flosculis, id est, levioribus tribulationibus. Sic ille.

Is ergitur nobis sit hujus considerationis fructus: ut
leniendum minuendumq; sensum dolorum nostrorum, non
jam ad res ipsas, quæ nobis adversæ obvenerint, prout in-
se sunt aspicere; sed altius sublatâ mentis acie, manum &
animum eas immittentis (per quæ dum transeunt, illæ sane
nomen, & qualitatem & gessum mutant) respicere consu-
scamus: illudq; etiam nobis suggeramus identidem: di-
gnum esse IESUM pro nobis passum, cui etiam cum aliquo
dolore nostro gratos de nobis ludos ac patientia spectaculū
præbeamus: ejusq; amori, aliqua nos corporis aut animi
ægritudine exercenti, aut (quando ita loqui coepimus) per
eam nobiscum lusitanti ac delicias facienti, ingenua & ipsi,
gratiaq; animi inclinatione & quasi collusione, responder-
amus. Hac eadem arte incommoda sua fallebat B. Fran-
ciscus Borgia, de quo illud est memoria proditum. Cū
aliquando tardius ac multa jam nocte ad quoddam Societa-
tis

etis nostræ domicilium devenisset, diutq; fores pulsans non- *L. 2. 9it. c.*
audiretur, quod & domestici somno sopiti essent, & domus ^{12.}
à janua longè distaret; coactum esse multo tempore præsto-
lari ad januam, cum etiam cœlo nix multa decideret. Istam
autem & longam, & intempestivam expectationem, confir-
mabat ipse postea, non modò sibi non molestam, sed etiam
jucundam accidisse, cum animo suo reputanti; quod veluti
principibus viris volupe est, feram aliquam stimulis & a-
rundine in arena aut circō agitare: ita D E U M crederet id
temporis, dum mollibus se petit nivium globis, ex hoc quasi
ludo aliquod de se oblationis argumentum sumpsisse.

In quem ferè sensum & illa incidit comparatio, quâ
ipse Christus aliquando usus est apud S. Gertrudem, cùm
diceret: Quemadmodum fera venata agitata, quâm do-
mesticum animal, acceptior esse solet; quod illius caro te-
nerior sit esq; jucundior: ita cordis affecti & variè exerci-
ti munus, sibi longè esse acceptissimum.

Sed neque hinc denique abludit; quod S. Clara, B.
Fratrem Juniperum, ex primis S. Francisci Sodalibus, mun-
di suiq; contemptorem egregium, solebat Christi joculato-
rem seu ludionem appellare; quod is ludicris in speciem
actionibus, sed cum vero sui despectu ac seria vexatione
conunctis, jucundos de se ludos voluptatisq; materiam
Christo præberet.

§. 2.

*Christum electis suis luētum, dolores, angustias, heredita-
tis nomine reliquiss.*

D Enique ad pium ac fructuosum- in malis nostris solatiū
valere potest & hæc non vana cogitatio:

Afflictiones atque ærumnas hujus vitæ, esse Christia-
norum patrimonium, & hæreditatem electis suis à Christo
moriente transmissam. Pulchrè siquidem S. Cyprianus,
vel

vel quisquis est autor sermonis illius de Cœna Domini, & deles appellat Crucifixi hæredes: admonens, ut inter celebra divina mysteria, instar pecudis fidentis ungulam, & ruminantis, passionem ac mortem Domini in mentem revocemus: ut semper, inquit, passio sit in memoria, necurant Crucifixi hæredes mortis supplicia. Et verò quid hæreditatis nomine nobis in hoc mundo relinquere potuit Crucifixus, nisi ea bona quæ ipse posse dedit moriens; nempe spinas, clavos & vulnera; dolores, inquam, & opprobria crucis suæ? Ut jam appareat, quām recte (ut supra vidimus) B. Angela Fulginienfis, suos in Christo filios, spiritu quodam testamento hæredes instituens, sic edixerit: Reliquo vobis totam hæreditatem meam, que eriam Christi JESU est, scilicet paupertatem, dolorem & despectum, vitam videret Christi: illud etiam supremum adjiciens; dubitandum non esse, quin, qui in hac vita hæreditatem hanc aderint, in futuro sæculo æternæ vitæ hæreditatem accipiant.

Hæc igitur omnis est in præsenti Christi sectatorum hæreditas, egestas, dolores, opprobria. Nam his opposita, in quibus mundus ita se amat, opes scilicet, delicias, honores, nec Christus admisit, nec suis promisit: sed scilicet hujus sæculi, ut partem ipsorum propriam (quandocto ipsi hæreditate, tametsi damnosa gaudent & contenti sunt) lubens volénsq; dereliquerit. Eorum certè vox illa est in libro Sapientiæ, eo se nomine invicem adhortantium, ad fruendum bonis, quæ sunt: vino pretioso, unguentis, rosis, &c. atque ad carpendum florem temporis, & signaculitatem ubique relinquenda: quoniam (inquit) bac est pars nostra, & hæc est fors. Unde ad suos Christus, diversam, ut trorūmq; partem ac sortem indicans: Mundus gaudebit (inquit) vos autem contristabimini. Et verus Christi discipulus S. Augustinus: Animadverte quisquis delicias bujuscultu quarit in nomine Christiano, intrinsecò esse beatitudinem nostram.

Sap. 2.

Joann. 16.

nostram. Nam extrinsecus maledicta, persecutio- De serm. in
nem promittuntur: de quibus tamen magna merces est in monte l. 1.
caelis, &c. Habet quippe Christus Dominus noster in c. 5.
regno Patris sui meliorem & manentem substantiam; in-
cujus etiam coelestis patrimonij partem ijsdem nos tabulis
vocamus. Verumtamen, quod Romanis Legibus olim di- L. 1. & 2. L.
ligerenter cautum est; ne cui tota delata est hæreditas, pro si solui. ff. de
parte hæres esse, & pro parte hæreditatem repudiare possit: acq. vel om.
hoc idem obtinet in præsenti; ut nisi eam quæ hic nobis of- bær.
fertur hæreditatis partem adierimus, non possimus illam,
qua in celo nos manet, cernere; attestante hoc Apostolo,
dum dicit: *Heredes quidem DEI, cohæredes autem Christi: Rom. 8.*
sitamen compatimur, ut & congloriscemur. Et facit illa tan-
quam divini Juris Regula, quam tradit S. Augustinus, & a Solilog. c. 22
li: *Non potest quis huius & in futuro gaudere; sed unum necesse
est ut perdat, qui alterum voluerit possidere.* Juxta ac si dice-
ret: non possumus pro parte capere hæreditatem Iesu Chri-
sti, volendo scilicet in altero sæculo cum illo gaudere; &
eam pro parte repudiare, nolendo nimis in hoc sæculo
cum illo dolere: sed delata nobis successio, aut integra no-
bis adeunda est, aut ex toto omittenda. Præsertim autem
si attendimus, portionem illam hæreditatis coelestis, non
pure nobis aut absolute deferri, sed eo seu modo seu con-
ditione adjecta, quam expressit Apostolus: *Sitamen com- Luc. 24.*
patimur, &c. cum neque ipse DEI Filius illam gloriæ hæ-
reditatem, nisi eo modo adire potuerit: *Oportuit (inquit) pati
Christum, & ita intrare in gloriam suam.*

Habes igitur in rebus adversis, quas multas necesse est
humana in vita, & præsertim piè in Christo vivere volenti-
bus, obtingere, quæ animi tui ægritudinem aliqua ex parte
sanare, & te ipsum solari cogitatione possis. Paupertas pre-
mit, dolores ingruunt, ignominia appeteris? Atqui hoc
proprium Christiani hominis patrimonium est, & luculen-

ta

ta hæreditas tibi à Crucifixo delata. At grave, acerbum, insuetum, atrox, & intolerabile est malum quod patet. Illud igitur asperies complectenterisq; veluti pretiosum cimelium in amoris pignus, tibi privatim ac propriè à Christo moriente relictum. At te miseria, te ærumna premunt, mnæ, ut nemo quisquam perinde ac tu afflictus oppressingi videri possit? Est proinde jam quod tibi gratuler, ut cum tanquam dilecto præ cæteris (ut olim Josepho) portio major paternæ hæreditatis obvenerit.

Gen. 48.

Denique in omni afflictione, sic cum animo tuo statu: præsentis mali patientiam esse quandam velut anticipationem præsumptionemq; hæreditatis cœlestis: & hanc hæreditatis Crucifixi partem, spe reliquæ brevi usurpans, lubens gaudensq; apprehende.

CAPUT XX.

*Duplici ratione ostenditur, quam homini
justo charæ esse debeant præsentis vita
tribulationes.*

Duas sibi affines meditationes illigamus in hoc capitulo, quæ pium hominem possint afflictum erigere, & ingentium malorum nonnihil demitigare acerbitudinem. Altera justos ipso considerat tanquam pretiosos lapides, quos afflictionum ac tribulationum malleo tundi, excuppi, & ratione conformari oporteat, quo demum evadant idonei ad construendam exornandam Jerusalæm cœlestem. Altera ipsas afflictiones ut cœli margaritas aspicit; quarum pretium mundus ignoret, sed ijs solis exploratum sit, quibus Deus incerta & occulta sapientia sua manifestaverit.

§. I.